

OKVIRNI SPORAZUM
sukcesivna nabavka kancelarijskog materijala za potrebe
Ministarstva unutrašnjih poslova Kantona Sarajevo

Ministarstvo unutrašnjih poslova Kantona Sarajevo, ulica La Benevolencija broj 16, koje zastupa ministar Admir Katica, (u daljem tekstu: Kupac)

R&S d.o.o. Sarajevo, Igmanska bb, Vogošća, ID broj: 4200056290005, kojeg zastupa direktor Damir Pahor (u daljem tekstu: Prodavac)

Strane u okvirnom sporazumu saglasno konstatuju:

- da je Ugovorni organ, Kupac, u skladu sa Zakonom o javnim nabavkama proveo otvoreni postupak za sukcesivnu nabavku kancelarijskog materijala za potrebe Ministarstva unutrašnjih poslova Kantona Sarajevo sa ciljem zaključivanja okvirnog sporazuma sa jednim ponuđačem na period od dvije godine;
- da je proveden otvoreni postupak nabavke na osnovu Odluke o pokretanju postupka broj, 04-1-11-4-2361/25 od 28.03.2025. godine i Obavještenja o nabavci broj 1364-1-1-49-3-42/25 od 05.05.2025. godine.
- Okvirni sporazum ne predstavlja obavezu Kupca na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Kupca, a pod uslovima utvrđenim u ponudi Prodavca broj 17561/25 od 26.05.2025. godine koja je sastavni dio ugovora.

Član 1.

Predmet okvirnog sporazuma je utvrđivanje uslova za zaključivanje pojedinačnog ugovora o sukcesivnoj nabavci kancelarijskog materijala za potrebe Kupca.

Okvirni sporazum sačinjava se u skladu sa uslovima iz tenderske dokumentacije, ponudom Prodavca, odredbama ovog Okvirnog sporazuma i stvarnim potrebama Kupca.

Količine navedene u specifikaciji su okvirne i važe za vrijeme važenja okvirnog sporazuma.

Član 2.

Ukupna vrijednost ovog okvirnog sporazuma bez PDV-a iznosi 244.780,88 KM.

(dvijestotinečetrestčetirihiljadestotinaosamdeset i 88/100 KM)

Cijene su fiksne i ne mogu se mijenjati za vrijeme važenja ovog Okvirnog sporazuma.

Član 3.

Nakon zaključenja okvirnog sporazuma, zaključit će se pojedinačni ugovor o javnoj nabavci. Pri zaključivanju pojedinačnih ugovora, ne mogu se mijenjati bitni uslovi iz ovog okvirnog sporazuma.

Član 4.

Prodavac je dužan ugovorenu robu isporučivati u roku 3 (tri) dana od zahtjeva Kupca.

Član 5.

Kupac će ugovorenu cijenu plaćati u roku od 30 (trideset) dana po dostavljanju fakture i isporuke robe.

Član 6.

Garantni rok je 12 (dvanaest) mjeseci od dana isporuke.

Član 7.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 8.

Ovaj Okvirni sporazum se zaključuje na period od dvije godine, a stupa na snagu danom obostranog potpisivanja.

Član 9.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 10.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.



Broj: 1906-1/2025
Datum: 19.06.2025



Broj: 04-01-11-4-2361-5/25
Datum: 17.06.2025. godine